

ՈՒՂՂՈՒՄՆ

«Արարատ»-ի Յուլիս-Օգոստոս 1916 ամի երես 608 Հայ գաղթականների օգտին ստացուած դումարների հաշուի մէջ փոխանակ Տիգրան Սիւմարեանցի, որ Նիւ-Եօրքից ուղարկել է յօգուտ գաղթականաց 820 բուբլի 67 կ. յօդ. 28-ում սխալմամբ տպուած է Տիգրան Սուքիասեան, փոստի կտրոնի վերայ գաղղիերէն աղճատ գրուածքի պատճառով:

«ԱՐԱՐԱՏ»-Ի 50-ԱՄԵԱԿԸ

Եկող 1918 թուին լրանում է Մայր Աթոռի պաշտօնական ամսագիր «Արարատ»-ի 50-ամեակը:

Երջանկայիշատակ Գէորգ Դ. կաթողիկոսի հայ եկեղեցու, հոգեւորականութեան մշտուոր-բարոյական վերածնութեան համար ծեռք առած մի շարք միջոցների մէջ պատուաւոր տեղ է բռնում նաեւ «Արարատ»-ի հրատարակութեան սկիզբը դնելը:

Մի կողմից Մայր Աթոռի միաբանութեանը հայագիտութեամբ պարապելուն, հայ գրի ու գրականութեանը զարկ տալուն դրդելու համար, միւս կողմից հայ եկեղեցու եւ հոգեւորականութեան վերածնութեան անհրաժեշտ ու դժուարին զործը կանոնաւորելու եւ ընդհանրապէս հայ պատմութեան եւ գրականութեան ուսումնասիրութեան զործը առաջ տանելու համար Գէորգ Դ. կաթողիկոսը մեծ դժուարութիւնների յաղթելով կարգի ձգեց Մայր Աթոռի տպարանը եւ 1868 թուի մայիսից լոյս տեսաւ «Արարատ» ամսագիրը, որը եւ անխափան շարունակուած է մինչեւ այսօր:

Մայր Աթոռի միաբանական ժողովը քննութեան առնելով խնդիրը որոշել է եկող 1918 թուին համեստ, պատշաճ ծելով յօրելեան կատարել. խնդրի մանրամասնութիւնները թողնուած են Ուսումնական Խորհրդին, որը ծրա-

գիրը մշակելուց յետոյ կ'այտարարէ ժամանակը եւ ծրագիրը: Ի գիտութիւն ընթերցողների յայտնենք, որ «Արարատ»-ի բոլոր յօդուածների ցուցակը (Բիրլիօգրաֆիան) արդէն պատրաստ է եւ եկող տարուանից լոյս կ'տեսնի:

«Արարատ»-ի կատարած դերը մեր գրականութեան մէջ առանձնայատուկ է երկու տեսակետից. նախ նա միակ կրօնական ամսագիրն է Ռուսահայոց մէջ եւ այդ տեսակէտից ունի իւր որոշ տեղը. եկրորդ՝ ռուսահայ ըազմութիւն ամսագրերի մէջ, որոնք այս ու այն ժամանակ լոյս են տեսել եղել է եւ է այժմ էլ միակ քանադակական ամսան գիրը: Հայագիտութեամբ պարագողներից շատ ականաւոր գրողներ «Արարատ»-ում են գետնդել ու գետնդում՝ իրենց աշխատութիւնները եւ այդ տեսակէտից «Արարատ»-ը հայագիտութեամբ պարագողներին առատ նիւթ է մատակարարում:

Հայ հասարակութիւնը եւ հայ գրողները անվերապահ վերաբերմունք ցոյց տալով դէպի խնդիրը անշուշտ անուշադիր չեն թողնի «Արարատ»-ի 50-ամեակը եւ իրենց աջակցութիւնը ցոյց կ'տան նրան ապագայում աւելի արդիւնատէտ ու բովանդակալի հրատարակելու այն:

Խմբագրութիւնս յայտնելով այս մասին խնդրում է «Արարատ»-ի նախկին եւ ներկայ աշխատակիցներին ու ընթերցողներին իրենց շրջաններում տարածելու ամսագիրը եւ պատրաստութիւն տեսնելու կենդանի մասնակցութիւն ունենալու «Արարատ»-ի 50-ամեայ յօրելեանին:

Խմբագրութիւնս քաջ գիտակցելով ժամանակի տագնապը եւ հայ ժողովրդի ճգնաժամը, երբ ըստ երեւոյթին նման խնդիր հրապարակ հանելը անժամանակ է երեւում, այնուամենայնիւ այն միտքն է պաշտպանում, որ հայ ժողովրդի յառաջադիմութեան համար հայ գիրը եւ գրականութիւնը հիմնական սկզբունքն է եւ հայ մարդը իւր ծանր, նեղ օրերին անգամ՝ զրի, գրականութեան վրայ պէտք է կենդրոնացնէ իւր ուշքը:

Խմբագրութիւն.